

Date – 15/04/2025

Time - 7:30 -7:40Hrs

REGIONAL NEWS BULLETIN

HEADLINES (MORNING)

- 1. NH-154 Kawngpui laihzauh hna thawktu NIDHI Construction te chu Bairabi Land Owners Association chuan nimin atang khan hnathawk thei lovin an dang.
- 2. Kawnpui leh Lungdai inkar Kawngpui siam chu a muang hle a, hnathawh laia chawlh lailawk a tam tih an hmu niin Kolasib District MJA member ten an sawi.
- 3. Prime Minister Narendra Modia chuan nimin khan Haryana project thahnem tak a hawng.
- 4. Lungflu zuara sumdawng dan bawhchhiat avanga tlanbo mek Mehul Choksi chu Belgium ah Police ten an man

<><><>

NH-154

NH-154 Kawngpui laihzauh hna thawktu NIDHI Construction te chu Bairabi Land Owners Association chuan nimin atang khan hnathawk thei lovin an dang.

Contractor NIDHI Construction chuan hna an thawk chho zel a, tunah hian hna hi za a sawm riat chuang an thawkzo tawh a, amaherawhchu Kawngpui in a pal tlang chhunga ram neitu mi 34 te chu zangnadawmna pek anla nilo a, hei vang hian lungawilovin hnathawh mek hi an dang a ni.

Kan corr report lo ngaithla ang.

VC

He Kawngpui NH-154 hi Hailakandi District, Assam atanga lo chho in Bairabi - Bilkhawthlir ah a chhuak a. A siam hna hi kum 2006-2007 atanga bul tan tawh a ni a, he Kawngpui in paltlanga ram neitute hi Zangnadawmna pek tura tihfel ni tawh mahse, tun thlenga Compensation la pek loh mi thahnem tak an la awm ani. Kum 2024 a he kawng Mizoram sorkarin a chhunzawm leh dawn khan ram neitute hian Kolasib DC hnenah an harsatna tawh thlen in, Compensation pek an la nih loh dante an hrilh a. DC chuan enfiah nawn turin 2024 kumtir khan ruahmanna a siam angin Revenue Department aiawh, PWD (NH Division-III) aiawh leh Bairabi SDO (Civil) aiawh te chuan an enfiah nawn leh a, hemi tum hian ram neitu mi 34 te chu Compensation pek tura ruahman a ni.

Kan corr sawi danin, Bairabi Land Owners Association chuan contractor ten hna an thawh zawh hma ngei in Zangnadawmna hi pe turin Zangnadawmna la dawng velo te chuan thuneitute an ngen nawn leh a, Sorkar atangin thuchiang leh rintlak an hriat hma chuan Contractor hnathawk tur hi dan nise ti a an rel angin hnathawktute awmna Camp kawtah kalkhawmin an chhuak tur an dang ta a ni.

(Andrew Kolasib PTC)

<><><>

LUNGLEI WATER SCARCITY

Lunglei khawpuia tui vang chuan zuallam a pan zel a, PHE Department hotute chuan Tlawng lui tui nghah khawl a ngaih avangin mipuite hriatthiamna an ngen tih an sawi.

Lunglei tui lakna Pialthleng atanga Tui pump in mipui mamawh a phuhruk loh avangin PHE Department chuan Truck Owner Association (TOA) te nen ruahmanna siamin Motor lian 10 hmangin veng

thlan bik leh tui harsat zual naah tuisem hna an kalpui mek a, Chhungkaw khatah Bucket 6 zel a sem niin ruahman lawk ang chuan Motora tuisem hi ni 18 thleng kalpui a ni dawn a ni.

Zirtawpni khan khan Trip 13 sem in chhungkua 806 an pe a, Inrinni khan chhungkaw 900 hnenah Trip 14 semin nimin pawh khan Trip 14 vel sem leh a ni a. PHE leh TOA ten an sem bakah hian Local Council ten an ward ah te semin mimal thahnemngai ten mahni insengso a tuisem an awm deuh reng bawk.

Lunglei tui lakna hi tun dinhmunah Dâr-kâr 10 bawr vel tui pump theih a ni a, Tlawng lui tui nghah khawl a ngaih avangin tui sem a khât tawh hle a, PHE Department hotute chuan a mipuite hriatthiamna an ngên tih an sawi.

VC

Lungleia tui harsat avang hian Motor hmanga tui chawi turin a remchang apiangah pump chhawn a ni a, hetihlai hian insu, inbual leh Motor sil an lo awm thin avangin PHE Department chuan Tuichawi Li an tih mai, Mat luiah duty insiam in tui ti bawlhhlawh lo turin ngenna an siam a, PHE Lunglei a thawk te chuan mipui te mamawh phuhru turin an theihtawp an chhuah zel a, hetihlai hian an dan pangngaiin tui connection nei hnenah rualkhai takin sem hna an kalpui ve reng a, nimin Pathianni khan Vertical Turbine(VT) pump chhunga chirhnawi leh bawlhhlawh lut te staff thenkhat ten an thianfai bawk a ni.

(Thangmingliana Renthlei PTC Lunglei)

<><><>

DR BR AMBEDKAR BIRTH ANNIVERSARY

Senior Advocate Pu Lalramzauva chuan Constitution- Dan rorelna chu zaha zawm a nih chuan Mizoramin a sawt pui hle dawn a ni, a ti bawk.

DR. BR AMBEDKAR piancham vawi 134-na pual inkhawm pawimawh Aizawl BJP Mizoram State Office-ah niminah neihah he thu hi sawiin Senior Advocate Pu Lalramzauva chuan Indian Constitution chu a ropui êm êm a, Constitution hi Lal leh Thuneitu angah ngaiin, a thu anga awma inkaihhruai a ngai a, a thu anga mi a awm lo a nih chuan hremna lek theih a nih avangin, mitinin an zah tur a ni a, constitution hriat vek pawh tum a ngai a ti a ti.

Pu LalRamzaua chuan, Constitution siamtu MLA te'n tih tur an nei a, Police te'n tih tur bik an nei bawk a, chung mite chu an òanruala an thawh ho òat a ngai hle a, Mizoramah ruihhlo nasa takin a hluar a, hemi chungchangah pawh hian Dan siamtu MLA te tih tur a awm a, Dan kengkawhtu Police-te tih tur a awm a, dan anga roreltu tur Court tih tur a awm bawk a,

He hunah hian mithiam hrang hrang te BR Ambedkar chungchang sawi tura sawm an ni a, Padma Shri Awardee Pi B Sangkhumi, BJP State President hlui Prof JV Hluna leh BJP State Vice President Pu Vanupa Zathang ten thu an sawi a ni.

Dr.BR Ambedkar piancham lawmna hi Mizoram University ah pawh buatsaih a ni a. He hun hi National Service Scheme (NSS) and Nehru Yuva Kendra Sangathan,/ NYKS, Mizoram, Ministry of Youth Affairs and Sports, leh Sports and Youth Services Dept ten an buatsaih a ni.

High Powered Committee (HPC) Vice-chairman Pu V. Malsawmtluanga, MLA chuan he hun hi a hmanpui a, thusawiin, ram leh hnam hmasawinna atan a tlawmngaia mahni in pek pawimawhna sawiin NSS leh NYK te hmanga Khawtlang hmansawinna tura thlaite hnathawh chu a ngaihhlut thu a sawi.

He mi zawh ah hian kawng an zawh a, India Constituion chawimawia leh leh hlutna te an sawirual a ni.

(PR) <><><>

KOLASIB MJA

Kolasib District MJA member te chuan Kawnpui leh Lungdai inkar Kawngpui siam mek chu nimin khan a hmunah an en a, hnathawktu hmuh tur an awm lo.

Kolasib District MJA te hian Kawnpui leh Lungdai inkar Kawngpui siam hna muang lutuk avanga mipuiin harsatna an tawh nasat avangin Kawngpui siam dinhmun hi chiang zawka en an tum a, hetihlai hian hnathawktute hi an kal tur hrilh lawk an ni chungin Site Engineer pawh hmuh tur an awm lova, hna pawh anlo chawl vek a; hnathawka an chhawr khawl enkawltu mi pakhat chauh awmin, khawl chhiat vanga chawl an nih thu a sawi a ni.

Kolasib District MJA te hian Serkhan VC te kawmin, Kawngpui siama an hnathawh dan te an zawtfiah a; kawng siam hna chu a chak loh thu leh hna thawh loh ni an neih tam thu an sawi a; ni khatah metre 490 vel chauh an siam hman niin an sawi.

Helai Kawngpui hi Border Roads Organisation (BRO) enkawlna hnuaia awm niin, tuna a siam hna thawktu BRN Pvt. Ltd hian Sihphir leh Kawnpui inkar KM 30-a thui chu an siam dawn a, kumin October thla hmaa siam zawh tur anih rualin, tun dinhmunah chuan kawng hi a zahve ang vel chauh anla siam a; MJA te chuan hun tiam chhung hian an zawh hman an beisei loh thu an sawi.

Helai kawng siam chungchangah hian Kolasib District MJA te chuan hnathawh a nih hun chhung zing dar 9 atanga tlai dar 4 thlenga Kawngpui khar thin a nih avang leh hnathawh a muan avang hian mipuiin harsatna an tawh nasa hle tih an sawi a; Sorkar hotu sang zawkte hnena thlen nise tiin an rel a ni.

Hemi rual hian Kawnpui leh Kolasib inkar kawngpui siam that hna chu NHIDCL hnuaia Balaji Contruction te chuan an siam tur chin an zo tawh bawh.

(Andrew Kolasib PTC)

<><><>

ZPM

ZPM Thalai hruaitute chuan tun hnaia Ruihhlo kaihhnawiha man Henry Lalbiakzinga Chhungdeng leh ZPM Minister leh Party hruaitute inzawmna nei anga an sawi chu thubelhchian dawl lo a nih thu sawiin thu diklo theh darhtu chungah FIR thehluh an tum thu an sawi.

Nimina Aizawl Press Club-a thuthar lakhawmtute an kawmna ah he thu hi sawiin ZPM Thalai Vice President Pu Rokhuma chuan thubelhchian dawl lo thehdarhtute chu a tawp thlenga dan hmanga umzui an tum thu a sawi a, Ram hlui zia politics changchawitute'n thlalak hlui hrang hrang zawng khawm a, zeldin thubawla mipui rilru hruai kawi thei turin social media-ah thu an vawrh darh an ti a, ZPM Thalai chuan an ngai thutak hle tih sawiin ruihhlo tawlhtu hnen atanga ZPM-in pawisa an dawng anga inpuhna phe chu ngawih bopui chi-ah an ngaih lo a ti.

Pu Rokhuma chuan dawt thu hmanga Minister-te leh ZPM Party beihna chu intihhmingchhiat tumna ngeia an ngaih vangin FIR hi thehluh nghal an tum tih a sawi a ni.

(PR)

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Wawin chawhnu dar 2 leh a chanve-ah Chanchinthar puan leh a ni ang.

<><><>

ASEP

Association for Environment Preservation (ASEP) chuan nimin khan Ṭawi Wildlife Sanctuary chhehvel khaw pathum Mualpheng, Ṭawizo leh Lenchim khuate tlawhin khaw tina Village Council leh YMA hrulaitute chu sanctuary humhalh pawimawhna an sawipui.

ASEP chuan Ṭawi Wildlife Sanctuary chu Mizoram tan hmun pawimawh tak a nih avangin khaw tinah humhalh a nih theih nan beihpuithlakna hi an kalpui a, chhungtin te hnena ngenna lehkha an sem nghal a ni.

ASEP President Pu K. Lalmuansanga leh hrulaitu thenkhat ten an telpui a. Khawtlang hrulaitute chuan ramngaw leh nungcha humhalh kawngah ASEP chu theihtawp chhuahpui an tum thu an sawi.

<><><>

PM

Prime Minister Narendra Modia chuan nimin khan Haryana project thahnem tak a hawng. Babasaheb dr B R Ambedkar-a piancham pualin PM Modia hian Yamuna Nagar-ah heng project te hi a hawng a. Heng zingah hian cheng vaibelchhe 8470 senna tur Deenbandhu Chhotu Ram Thermal Power Plant te, Mukarabpur-a Biogas Plant-te, Rewari Bypass project cheng vaibelchhe 1070 senna tur te an tel a. Thusawiin PM Modia chuan a sawrkarin Babasaheb Ambedkar-a hmathlir tihlawhtling turin theihtawp a chhuah tih a sawi a. Industry lama hmasawinna chu khawtlang mitin hmasawinna kawng anih thu a sawi bawk a ni.

(Newsonair)

<><><>

METH

Indian Coast Guard (ICG) leh Gujarat Anti-Terrorism Squad tangdunin nizan khan cheng vbch 1800 hu Methamphetamine Kg 300 chuang an man a. An thudawn bawhzuiin Coast Guard-te hian tuipuia ramdang nena inrina bulah lawng pakhat an lo ti ding a, lawng chhunga awmte chuan ruihhlote chu tuipuiah paihin an tlanchhe zui a, an thil paih hi ICG team-ten an chhar leh a ni.

Union Home Minister Amit Shah chuan Modi-a sorkarin zahngaihna tel lovin ruihhloa sumdawinna zung a suat chho mek a ni, a ti a. He beihpui hi sorkarin ruihhlo tih rem a tum tak takzia tarlangtu a nih thu leh ruihhlo laka fihlim ram din tura hlawhtlinna ropui tak a ni, a ti a, ruihhlo mantu, Gujarat Police leh Indian Coast Guard-te lawmpuina a hlan bawk.

(Newsonair)

<><><>

MEHUL CHOKSI

Lunghlu zuara sumdawng dan bawhchhijat avanga tlanbo mek Mehul Choksi chu Belgium ah Police ten an man. Thudawn danin Central Bureau of Investigation (CBI) ngenna angin Inrinni khan Mehul Choksi hi man niin tunah hian jail-a a tang mek a. Punjab National Bank loan-a inbumna chungchangah Choksi hi man tumin sawrkar chuan a umzui lai a ni. Unoin Minister of State for Finance, Pankaj Chaudhary chuan Mehul Choksi man a ni chu lawmawm atih thu sawiin Prime Minister Narendra Modia sawi tawh angin mi retheite sum rukchhuah saktute chuan an rul let leh ngei dawn a ni a ti.

(Newsonair)

<><><>